

乾
隆
西
藏
誌

西藏誌

封爵

西藏地處邊徼自漢唐以來難以備考迨至康熙五十九年定藏後始封康濟噶爲貝勒阿爾布巴爲貝子隆布噶爲公頗羅噶札爾噶爲噶隆雍正三年封頗羅噶札薩克爲台吉雍正五年阿爾布巴等謀殺康濟噶亂藏雍正六年天兵誅叛定藏七年頗羅噶封貝子總管西藏八年封其長子朱爾嗎特策登併

其婿那木札爾色不騰

即康齊
鶴之子

爲台吉雍正九年封

頗羅鶴爲多羅貝勒朱爾嗎特策登爲輔國公十年
封那木札爾色不騰爲輔國公封策零汪蓋爾通巴
鐘子三人爲頭等噶隆十二年封其次子朱米納木
查爾並其弟諾彥和碩氣以及達爾札章陸占巴巴
雜鶴大衍台吉等六人爲札薩克頭等台吉十三年
諾彥和碩氣卒頗羅鶴

奏請將伊弟色陳哈什哈襲職爲札薩克台吉旋晉封

頗羅噶爲多羅郡王

委用頭人頭目皆由頗羅噶選擇亦取才品首取家
道殷實查郡王之下設噶隆數人總管各處事宜地
方設高僧一名察核境內各項事務倉儲巴數名專
司錢糧事宜浪子沙數名管理刑名並承辦各項差
務中科爾數名在大召辦寫文書稟籤戳記事務紀
綱數名清算賬目其中科爾紀綱半多世職凡放大
小村庄牒巴皆由此等人內選用至于出差頭人名

曰谷操傳事頭人名曰若尼爾管理家務頭人名曰業爾巴聽差之人名曰乃興區其各地大頭人名曰牒巴次日熱熱再曰千布蒙古之頭人名曰台吉曰宰桑曰那彥其統領兵馬之官有五總統之大頭人曰仁列今西藏一名羅藏達吉工布一名烏隆奈後藏一名班第他至其次曰甲奔管兵二百名再次曰如奔管兵一百名曰賴奔管兵四十五名曰局奔管兵十名又有小頭人曰郭渡以上所委之牒巴頭人

委管何方卽徵收其地錢糧以自食

西藏額設兵制馬兵步兵共六萬四千餘名內拉撒馬兵三千名後藏馬兵二千名阿里馬兵五千名稞塢馬兵一千名党子拉雜浪木錯等處地方黑帳房蒙古共馬兵三千名阿里並前後藏各處共步兵五萬名至上陣廝殺惟蒙古馬兵八百名頗勇其次阿里稞塢工布之兵尚健其餘之兵差等派兵之法于各地方鄉村抽派或十名五名不等出入不出馬出

馬不出人上陣亦穿盔甲其甲有柳葉有連環有鎖
子馬兵盔上插紅纓一大撮孔雀尾一枝帶腰刀鞞
袋背鳥鎗執長矛步兵盔上插雄雞尾一束帶腰刀
揮順刀帶弓箭鞞袋執籐牌或木牌其木牌寬約尺
五六寸長三尺一二寸外用鐵皮包釘繪虎獸形以
五色羽毛裝飾帶弓箭腰刀已拿鳥鎗者不執牌亦
有持長矛者箭以竹爲之鵠翎鐵鏃鏃如錐長三四
寸其弓木胎角面身稍俱短小而勁亦有用竹爲之

者以兩竹片合紮無稍靶旗幟分黃紅白黑藍五色用細緞布亦爲之其制長有八九尺至一丈一二者旗頂毛纓各按旗色若對壘馬前走後糗糧隨地派本兵馱帶每年于正二三月亦頗操演觀其打鎗射箭跑馬跌撲演畢以哈達銀錢酒食賞之以獎其氣至四月則派駐各隘口旣資防邊且兼牧馬也

邊防

西藏接壤外蕃界連蒙古雍正八年準噶爾侵犯西北

兩路軍營頗維齊奏准夏初冰雪全消青草萌時派駐
藏大臣一員綠旗官兵一千五百名其次子台吉朱米
納木查爾帶拉撒兵一千名前赴打木騰格那爾地方
駐防派長子輔國公朱爾嗎特策登夏初帶蒙古番兵
二千名赴門里噶爾波魯多克三處駐防每年派其弟
諾彥和碩氣赴哈拉烏素訓練該地兵馬二千餘名卽
統領駐防約至九月雪封山徑撤回
休養次年仍往
又設要卡數處
一玉樹納克書每年派千總一員番漢兵各三十名

至白兔河駐劄一納克產每年派千總或把總一員
番漢兵各十名至特布駝洛海偵防 一奔卡立馬
爾每年派千總或把總一員番漢兵十名駐防探哨
一生根物角每年派千總或把總一員番漢兵各
十名駐防亦均於夏初草萌派往秋深雪降撤回其
附近拉撒口隘二處一浪宕離城五十里派漢兵各
五名 一怕爾離藏二十里派番漢兵各五六名此
二處專司盤詰往來人等其他隘口各就地之衝僻

量設番兵防守雍正十年駐藏漢兵二千名內議撤
一千五百名此後騰格那爾等處僅番兵駐防矣

徵調

頗羅鶴未賜印之先凡有文書俱鈐紅色小圖記番
人用唐古忒字蒙古用蒙古字行則各遵之自噶隆
以下皆用黑色圖記雍正九年頒給印信始知用印
然素常亦不用一切文書信字用漢字小圖章文曰
名旺多羅貝勒記如徵調兵馬迅則頭目代奔催集

遠則文信傳調若要緊軍情則用傳旂以箭一枝縛
白哈達一個寫由飛遞傳催依限而到一無少悞凡
遇大小事務每日噶隆牒巴中科爾代奔等齊集大
召內白菓廊公議而行大事則頗羅爾亦至共議然
後行之其文卷三年一清舊案俱焚不存

賦役

西藏稅賦隨其出產或牛羊紫草麥豆青稞氈氍毛
氍皮張等或馬奶酥油雞猪野牲菓食金銀銅鐵酒

諸類皆隨所產上納設有公所名曰商上凡所納稅
賦及張罰罪人銀錢俱存備公用並喇嘛念經之費
至于土民之服役者名曰烏拉凡有生業之人毋論
男女皆派卽他處來者或僅婦女但能自立烟灶租
房居住者亦派多寡各量其貧富不等其頭目牒巴
皆派用烏拉照所居室之大小派定應需之數或三
四名或十數名照數輪派烏拉應役無人則雇窮民
代之或每日每名納銀五分年過六十免之遇大荒

則派牛馬駟騾富者應出若干貧者三四人公攤一頭匹藏地產馬少率由霍耳一帶及青海等處來者價頗昂卽中馬一匹亦須十七八兩至二十兩者

朝貢

藏衛地方乃賞給達賴喇嘛采邑免其正賦之貢今達賴喇嘛頗羅鼐爲一班班禪喇嘛爲一班各間年

一次遣額爾沁

漢云使臣喇嘛之使又稱堪

進

貢繕唐古忒字表恭請

聖安以伸誠敬其所進之物乃藏香藏杏藏棗珊瑚蜜蠟
珠子木碗金絲緞卡契紬卡契布等物其木碗有二
種一曰札木札牙木色微黃堅潤有細文云能避諸
毒每一個價值十數金以至數十金者一曰拉庫爾
木色微黃花紋畧大云亦能避毒價亦須數金

外番

西藏定自康熙五十九年十餘年來官兵往返其間
崇山鳥道盡屬坦衢荒服窮陬咸沾

德化平是藏之西南計程兩月有巴爾布一區天道和煖
產稻穀孔雀其民分爲三部一曰布顏罕一曰葉楞
罕一曰庫庫木罕于雍正十年間遣使來藏經駐藏
大人等奏蒙

聖恩允准內附賞頒勅封三道賜蟒緞玻璃磁器等物于
次年八月派員賚送至藏轉頒十二年正月布顏罕
等遣使來藏請赴京進貢謝恩又經轉奏奉

旨准其來京遂沿途供應四月二十日至藏起程共三部

西華言
奏貢物譯出漢文附載

布顏罕奏書曰大主明鑒微末布顏罕雜雜鳴麻爾
合掌謹奏大主聖體冲和微末布顏罕不勝慶幸蒙
大主仁恩賞給勅書緞疋玻璃磁器等項瞻仰聖明
曷勝欣慶向聞大主仁化卽欲遣使請安拉藏不爲
轉奏計無所出今蒙貝勒奏請得沾大主天恩又得
遣使奏事伏願温旨時頒邊鄙小罕普沾天惠矣鑒
之鑒之奏書微儀哈達一個珊瑚樹一株珊瑚一串

五十五個小珊瑚一串一百零八個琥珀一串四十
一個金絲織成卡契帶三條金絲織成卡契小帶五
條各色卡契緞三疋白卡契布四疋犀角一個孔雀
尾扇一柄孔雀尾一束黑香一包各色葯一包癸丑
年十二月二十八日奏

庫庫木罕奏書曰大主明鑒微末庫庫木罕合掌謹
奏大主聖體安和不任幸勝庫庫木罕以實心感戴
大主仁恩蒙賜勅書緞疋玻璃磁器等項向聞大主

天恩仁惠至于天恩溫旨如此沛降實出望外今具
勒轉奏蒙賜勅書無涯天恩愛我生靈如同父母曷
勝欣慶特差巴瓦尼桑格爾恭謝天恩伏思庫庫木
罕邊鄙小罕惟賴大主仁恩以安其生仰乞溫旨不
時下降奏書微儀哈達一個大珊瑚二個珊瑚六個
小珊瑚一串一百零八個金絲織成各色卡契帶十
條金絲織成卡契緞一疋銀絲織成卡契緞一疋孔
雀尾管子碗二個各色卡契布二十一疋白卡契布

五十九疋各色葯六包額納克特克巴爾布等處地圖一張癸丑年十一月十七日奏

葉楞罕奏書曰大主明鑒微末葉楞罕合掌謹奏大主聖體安和不勝幸甚向因額勒特罕不將大主天威仁化曉諭我等今幸貝勒宣傳我等方知虔誠恭順德遂賞賜勅書緞疋玻璃磁器等項如我親瞻天顏不勝欣慶之至邊鄙小罕惟乞天主憐愛鑒之鑒之奏書微儀哈達一個大小金錢兩個林親中內佛

一尊珊瑚一串一百一十八個小珊瑚一串一百三十六個香盒一個孔雀尾管子碗一個孔雀尾扇一柄金絲織成卡契緞一疋銀絲織成卡契緞一疋各色藥一包巴爾布帶一條白卡契布三疋各色卡契布十疋卡契緞三疋巴爾布布四疋星袞一包黑香一包阿魯拉三包癸丑年十一月二十九日奏

又布魯克巴一族離藏西南約行月餘其罕諾彥林親乃紅帽之傳天道頗煖物產與中國相彷彿行月

餘卽天竺國界考其地唐時歸順賜冊印其文曰唐師國寶之印六字外有噶畢一族原係諾彥林親所分者日久其勢漸大後諾彥林親之呼圖克圖楚克賴納木查爾至噶畢地方噶畢卽留不放歸諾彥林親屬下地納瓦納二處百姓時潛赴噶畢朝禮由是二家成隙互相仇殺噶畢力弱于雍正十年投奔頗羅爾發兵助之敗諾彥林親子界地諾彥林親亦遣便子駐藏大人處歸誠並請赴京進貢彼時以兩家

正當仇殺之際留使在藏備叙投誠進貢並兩造
仇殺緣由具奏次年差官前赴二家排解不就復于
冬十月差陝西督標前營遊擊和尚同頗羅爾所差
噶隆鐘子以及外委人員前赴適中之汪則城解勸
和合取永和印契帶二家貢使于甲寅年正月旋藏
差員伴送赴京蒙

世宗憲皇帝賞賜勅印邊員護送于雍正十三年夏五月
到藏噶畢束魯卜喇嘛卒於是地土人民仍歸諾彥

林親管轄其不願附之番民一百餘戶奏明給與牛種安插商約之汪則地方乾隆元年春諾彥林親齊拉卜濟親身赴藏朝拜達賴喇嘛畢于是年秋八月五日始回附譯出奏書云

天下含生共戴滿洲西立大主明鑒微末布魯克巴喇嘛札爾薩立布魯克谷濟諾彥林親齊類拉卜濟等焚香望闕合掌叩頭謹奏爲恭請聖安仰乞天恩事西陲愚衆不知善惡妄行仇殺西藏貝勒致書諭

宣大主天恩仁化我等不勝欣感遣使至大人貝勒處乞准歸命復蒙大主賜以生平未覩之異數天恩遠賁黃金滿世界矣如天之天恩實萬世不能圖報惟有感激恭謝天恩臣布魯克巴人愚如獸不知法教因與噶畢屢次構禍蒙駐藏大人轉奏特遣官員噶隆爲我等和解又蒙西藏貝勒親至則江宣諭大主天威仁化分晰利害每處安一牒巴照看辦事諄諄致書教訓我等俱各感激欣然和好自今以後

惟有感戴皇恩永遠安樂敬求者布魯克巴人等
有不知法度者求大主賞以勅印以便管轄且恐人
上畏天威各守法度不致生事世世子孫永得安生
者皆大主再造之恩于大主別無所思伏乞憐憫特
降教訓鑒之鑒之爲此特差格隆巴爾冲恭請聖安
伏乞天恩竝獻土產各色卡契帶五條卡契緞一疋
珊瑚一串一百零八箇密蠟一串三十六箇五色花
布四疋布魯克巴布二十疋卡契小刀一把銀碗一

箇月之吉日奏

天下含生共戴滿洲西立大主明鑒微末布魯克巴
噶畢東魯卜喇嘛焚香望闕合掌叩拜謹奏爲恭請
聖安仰祈天恩事東魯卜上合天心恭順歸命仰願
大主恩威安生樂業恭請聖旨之時蒙賜以有生未
見異數大恩噶畢東魯卜不勝欣感經恭謝天恩實
不但今生雖萬萬世不能仰報惟有三寶佛前虔誠
諷經祝滿洲西立大主萬萬年耳但布魯克巴人等

生性愚昧如畜屢年生隙仇殺駐藏大人奏明大主
普愛生靈差官噶隆等爲我等和解貝勒又親至則
江宣諭天威仁化分晰利害教訓和好各處差牒巴
一名照着辦事復致書教訓如幼兒得母欣感無旣
今復和好惟感大主庇佑天恩永爲安樂而已拜求
者西立大主憐憫愚生賜以勅印得賴恩威便于管
轄所賜五城人民彼亦知敬畏各守法度以安其生
此滿洲西立大主憐憫再造之恩也鑒之鑒之爲此

特差使者商納克諾爾布恭請聖安仰祈天恩竝獻
土物奏書哈達一箇珊瑚八箇小珊瑚七十箇金絲
織成花緞一疋花布三疋象牙一根卡契帶五條白
卡契布三十疋密蠟一串一百一十五箇月之吉日
奏

新撫南稱巴彥等處番民七十九族查其地爲吐蕃
地居四川西藏西寧三界之間昔爲青海蒙古奴隸
自羅卜藏丹津變亂之後漸次招撫雍正九年西寧

總理夷情散秩大臣達鵠奏請川陝派員勘定界址
分隸管轄十年夏西寧派員外郎武世齊筆帖式齊
明侍衛濟爾哈即遊擊來守華都司周秉元四川派
出雅州府知府張植遊擊李文秀西藏派出主事納
遜額爾黑圖守備和尚會同勘定近西寧者歸西寧
管轄近西藏者暫隸西藏其族內人戶千戶以上設
千戶一員百戶以上設百戶一員不及百戶者設百
長一員俱由兵部頒給號紙准其世襲千百戶之下

設散百長數名由西寧夷情衙門發給委牌每一百戶貢馬一匹折徵銀十二兩部議減去二兩奉

旨再減二兩計每馬一匹折銀八兩每年每戶攤徵銀八分歸西寧者交西寧道庫隸西藏者交西藏糧務處其西寧所管四十族之內惟巴拉喇布一族一司木魯烏素濟渡一司會盟遞文之差免其貢賦雍正十二年頒給唐古忒字律例係西寧夷情衙門從蒙古例內摘出繙譯者原議一年會盟一次三年後間年

會盟一次乾隆二年西寧總理夷情副都統保祝以
四十族番民漸知理法奏改間二年差章京一員守
備一員帶綠旗兵二十名蒙古兵五十名前徃會盟
一次其族分名色則阿里克 蒙古爾律 雍熙葉
布 玉樹 噶爾布 蘇魯克 尼牙木錯 固察
稱多 洞巴 多倫尼托克安兔 多倫尼托克
阿薩克 多倫尼托克列王 多倫尼托克阿永
多倫尼托克葉爾吉 多倫尼托克拉爾吉 多倫

尼托克典已 隆布 上隆布 札武 中札武

下札武 班石 上阿拉克碩 下阿拉克碩 上

隆琪 下隆琪 蘇爾莽 白利 哈爾受 格爾

吉 中格爾吉 下格爾吉 巴彥稱南 桑色爾

隆東 綽火爾 吹冷多爾多 覺巴拉 喇布

以上四十族共八千四百四十三戶計男婦三萬二千三百九十名口除覺巴拉喇布二族七十四戶各應差不輸貢馬外止納賦番民八千三百六十九戶

共徵銀六百六十九兩五錢二分乾隆三年地震傷
亡案內經總理西寧夷情副都統巴靈阿派員外郎
高亮守備班第勘實傷亡無存六十五戶奏准永行
免賦外止實在番民八千三百四戶共徵銀六百六
十四兩三錢二分

納克書貢巴 納克書拉克什 納克書色爾查

納克書異魯 納克書崩盆 納克書達格魯克

扎嘛爾 上阿扎克 下阿扎克 夥爾孫提麻爾

夥爾扎嘛蘇他爾 夥爾川目桑 夥爾扎嘛蘇

他爾只多 娃拉 夥爾 嘛魯 寧塔 尼查爾

叅嘛布嗎 尼牙木查 利松麻巴 勒達克

多嘛巴 羊巴 夥爾 夥爾 夥爾 彭他嗎

夥爾拉塞 上崗噶魯 下崗噶魯 瓊布納克魯

葛魯 巴爾查 上奪爾樹 下奪爾樹 三渣

三納拉巴 樸俗以上三十九族計四千八百八

十九戶男婦一萬七千六百六名口徵銀三百九十

一兩一錢二分統俟藏兵全撤歸西寧管轄

碑文

聖祖仁皇帝御製平定西藏碑文

昔者

太宗文皇帝之崇德七年班禪額爾德尼達賴喇嘛固始
罕謂東土有

聖人出特遣使自人跡不到之區經仇敵之國越數年
始達盛京至今八十載同行善事俱爲施主頗極安

寧後達賴喇嘛之歿也隱匿不奏者十有六年任意妄行拉藏滅之復興黃教因而允從拉藏庫庫腦兒羣衆公同之請中間策旺阿拉布坦妄生事端動準噶爾之衆肆行奸詐滅壞達賴喇嘛並廢第五輩達賴喇嘛之塔辱巽班禪毀壞寺廟殺戮喇嘛名爲興法而實滅之且欲竊據圖伯特國朕以其所爲非法爰命皇子爲大將軍王又遣朕子孫等調發滿洲蒙古綠旗兵各數萬歷烟瘴之地士馬安然而至賊衆

三次乘夜盜營我兵奮勇擊殺賊皆喪胆遠遁一矢
不發早定西藏復興法教賜今呼必爾罕冊印卽封
爲第六輩達賴喇嘛安置禪榻撫綏圖伯特僧俗人
衆各復生業于是文武臣工咸謂王師西討歷烟瘴
險遠之區曾未半載輒建殊勲實從古所未有而諸
蒙古部落及圖伯特酋長亦合詞奏曰皇帝勇畧神
武超越往代天兵所臨邪魔掃蕩復興蒙古所向遵
奉法教坎康藏衛等部人衆咸得拔離湯火樂土安

居如此盛德大業非臣下頌揚所能宣罄請賜御製
碑文鐫石召地以垂永久朕以何功焉而羣衆動請
不已爰紀斯文立石西藏俾中外知達賴喇嘛等三
朝恭順之誠諸部落累世崇奉法教無忽朕之此舉
所以除逆撫順綏衆興教云爾康熙六十年

唐碑

大唐文武孝德皇帝大蕃聖神贊普甥舅二主商議
社稷如一結立大和盟約永無淪替神人俱以證知

世世代代使其稱贊是以盟大節留傳之於後也文
武孝德皇帝與聖神贊普德之黎贊陛下二聖睿哲
鴻被曉之今永化亨矜愍之情恩覆其無內外商議
叶同務令萬姓安泰所思如一成久遠大治之績茲
覩同心以伸鄰好之義共成厥美今蕃漢二國所守
見管封疆洮岷之東屬大唐國界其塞之西盡是大
蕃地土彼此不爲殺敵不舉兵革不相侵謀封疆或有
積阻捉生問事設給以衣糧放歸令社稷山川無擾

各敬人神然舅甥相好之義苦難每須通傳彼此相倚二國常相往來兩路所差唐差蕃使並於將軍谷交馬其洮岷之東大唐供應清水縣之西大蕃供應須令舅甥親近之體使兩界烟塵不揚同聞盛德之名頰無驚恐之慮行人撤備鄉土俱安禮無相擾之犯垂恩萬代則稱羨之聲遍于日月所照矣蕃于蕃圖受安漢亦漢國受樂茲合其大業耳各依此盟誓永不移易當三寶及諸賢日月星辰之下共陳刑具

爲盟設此大誓約如有不依此誓蕃漢背約破盟者
求其禍殃也倘傾覆以及動陰謀者不在破盟之限
蕃漢君臣並稽首告立周細爲文二君之德萬載稱
揚內外蒙庥人民咸頌矣

臺站

自打箭爐出口至藏計程不及五千里共安台八十

四處安汛十三處內撥浪工

把總一名
兵十名

裡塘

把總
一員

兵二十
五名

海子塘

兵八
名

立登三埧

兵十
名

大所

兵十
名

名

巴塘

守備一員兵五十名總管自察木
多東乍了至打箭爐一路之塘訊

江卡

把總一員
兵二十名

梨樹兵十名

石板溝兵八名

阿足把總一員

兵五
十名

乍了把總一員
兵三十名

昌都原駐雲南官兵一千
名雍正十二年內減

撤四百留遊擊一員領駐其地總
管以西至藏一路之塘汛官兵

說板多把總一員
兵五

十名後減

拉里把總一員兵五十
名後減存兵五名

江達守備一
員兵一

百二十名後駐千
總一員兵四十名

糧臺

打箭爐

裡塘

巴塘

乍了

昌都

西藏

各味
文職

員一

附錄

西藏拉撒召到後藏塞爾地方緊走十日係白木戎
交界由塞爾向西南緊走十八日到宗里口子有一
崖高約十五丈以木搭梯人往來行走馬不能通此
外再無別徑由宗里緊走八天到白木戎住地其白
木戎有一王子住的房子名曰勞丁宰俱在山上其
先之王名乂多郎吉止生一子名局密郎結今已承

襲其屬下有管事大頭人八名住地方大頭人五名
小頭人十五名所屬百姓繁雜一種名喚蒙身穿布
衣不遵佛教不行善事一種名喚總一生子幼時卽
以五色塗面成花面一種名喚納昂無論男女俱不
穿衣服下以白布纏之臥時以木爲枕一種名喚仍
撒男子只穿中衣長短齊膝婦女下身亦用布遮重
穿一中衣不穿上衣惟白木戎本地人民穿布服凡
男婦皆披藏紬褊單行坐必佩腰刀其地和煖產米

青稞豌豆麥子黃豆扁豆茳豆刀豆四季豆小米高
梁菽麥芝蔴玉麥甘蔗葡萄桃子石榴柑子栗子水
牛黃牛羊大羴羯羊大耳猪騾馬野猪崖羊虎豹等
物又產一種野象野獸其野獸羊身獨角乃獬屬地
有大寺二座一名白馬楊青一名札什頂有小寺十
八座其王局密郎結所管之地方內納噶爾漢 雜
納 餘隆巴 拉不立 額郎紬 隘巴 立巴
雜不立七處另設大頭人管束人民其方亦呼爲小

西天與朱巴連界中隔大江名曰巴隆江由白木戎東至朱巴南至西天盆烏子西至白布北至后藏曰蓋子由西去十日尚屬白木戎管轄交西天界再行十日始到小西天不爾牙王子住處從此上船由海中行半月卽至大西天矣西藏相傳漢張騫曾至其地唐以公主下嫁贊普始通中國距京師萬三千餘里人惟好利貪淫仇殺無已勢小者則附之大族殊有列國之風其地所集人民曰土蕃曰纏頭曰卡契

曰白布曰西洋曰歪物子曰達子曰蒙古種類繁多不能殫述

乾隆二年造送理藩院入一統誌內開達賴喇嘛在布達拉白勒蚌廟內居住郡王頗羅鼐管轄衛藏達格布工布卡木阿里西拉果爾等處共大城池六十八處共百姓一十二萬一千四百三十八戶寺廟三千一百五十座共喇嘛三十萬二千五百六十衆班禪額爾德尼在札什隆布寺內居住管寺廟三百二

十七座共喇嘛一萬三千六百七十一衆境內大城池一十三處共百姓六千七百五十二戶仍歸郡王統屬自衛藏召東北走十二日至卡木拉里地方自拉里行二十六日至帮木南墩界自召正南走八日至帕爾城由帕爾行一日卽布魯克巴地界自召正西界接阿里地方自召至扎什隆布十四日由扎什隆布至阿里之噶爾渡地方三十二日自召正北至納克產二十四日納克產至書隆沙爾計程十五日

由書隆沙爾十八日至克里野城共阿里東南至竹馬郎城三日由竹馬郎城一日至奴城阿里正南至格地三日阿里西南至課羅城七日自課羅城至弄嶺拉城十五日阿里正西至納達城二日阿里西北自所管之魯都克城起十五日至準噶爾所屬葉爾羌木城爲界

一布魯克巴卽紅教喇嘛地其掌教扎爾薩立布魯克谷濟胡必爾罕與額爾德尼牒巴諾彥林親齊賴

拉卜濟俱住布魯克巴蚌湯德慶城內管轄百姓約
四萬餘戶大小城五十處寺廟一百二十座共喇嘛
二萬五千餘衆其地界北東至韃靼烏魯爾兔族分
地方計程八日其韃靼烏爾兒印猓猓野人國正南
至尼諾武克地方爲界計程一十天正西至巴嶺木
鍾爲界計程十日正北至西藏所屬之帕爾城爲界
一巴爾布三罕一曰布顏罕住末作城一曰葉楞罕
住莽哈巴哈城一曰庫庫木罕住吉拉蘇拉魚卜城

三人共管百姓五萬四千餘戶其地界北正東自北
格爾達地方至巴拉打拉罕計程十日正南至巴爾
布至尼諾忒克計程七日正西至庫爾卡地方計程
六日正北至西藏所管之吉隴城卡二日自吉隴城
至藏計程二十三日

西藏誌

自四川成都抵藏程途

成都府四十里至雙流縣 五十里過黃水河至新

津河 三十里至斜江河 六十里至邛州 四十

里至大塘舖 四十里至北站 五十里至名山縣

四十里至雅州府 四十里至觀音舖 二十五

里過飛龍閣至石家橋二十五里過榮經縣至榮經縣 四十

里至黃泥舖 五十里過越相嶺大山至清溪縣 七十里

至泥頭

路平山小

三十里至林口

路崎

四十里

越飛嶺

至

化林

二十里至冷磧

四十里至瀘定橋

三十

五里至大烹埧

三十里過

大崗山金釵埧大小胡梯甚險

至頭道

水 六十里至打箭爐

相傳漢諸葛亮鑄軍器於此故名路崎

四十

里 出爐過

至折多山根

有番民三四戶店二座有柴草

七十里至

納哇出卡

路不甚險崎有烟瘴有人戶柴草

四十里至瓦磧

路平有土

百戶一名柴多草少

三十里至東惡洛

路平有土百戶一名

九十里

上八義

六十里至泰寧卽係

噶達

六十里過

高日寺大

雪至臥龍石山高有瘴三十里至八角樓有人戶

三十里過雅龍江至德慶營四十里至麻蓋中

有人戶柴草九十里過剪子灣撥至西惡洛山大有烟

沒其中有四十里過山至哨嗎納洞有柴草五

十里過山至大竹卡人戶柴草俱有七十里過山至裡塘

有正副營官二員人戶多有大六十里上山至納

寺院地寒不產五穀微有柴草六十里上山至納

哇奔松無人戶柴一百里過山嶺至海子塘至拉

二塘有人戶柴草山路崎嶇五十里過山業龍塞

有人戶

五十里過山至立登三垧

無人戶 柴草微

七十

里過大

至大

無人戶有柴草山路陡嶮有烟瘴乃夾琪出沒之所

一百二

十里

過大山

至小垧冲

有人戶柴草天煖山路險峻有烟瘴亦夾琪出沒處

三十里至巴塘

有人戶寺院正副營官二員天煖有柴草駐官兵糧台路崎嶇險窄

四十里

過山沿江

至牛古渡

有人戶

四十里

過金沙江

皮木

至竹芭籠

有人戶柴草路崎嶇險窄自巴塘坐船一日可到

四十里

至工拉

有人戶

八十里過

空子頂

至莽里

有人戶柴草路

寬乃夾琪
出沒之處

六十里過山至南登

有寺院人戶柴草寺名漢人寺昔雲

南官兵所建其山名爲寧靜山上有
分界碑乃雲南西藏巴塘分界之處
三十里過山

至谷黍

有人戶柴草烟瘴

十里過山

至普拉

有人戶柴草

五

十里至江卡兒

有人戶柴草有夾琪

一百里過山

至黎樹人

戶柴草有
烟瘴夾琪

五十里過山至阿窄拉塘

有人戶柴草路稍平

四十里

過二小山

至石板溝

有人戶柴草

五十里

過大山至阿

足

有人戶柴草烟瘴

五十里

過二小山

至谷家宗

有人戶柴草微

九

十里至乍了

多人戶有大寺院駐糧台防兵少柴有草路崎嶇多石其番人性野好盜

三十里至兩撒塘

路稍崎嶇有人戶柴草此塘係西藏安設

九十里過大

西藏誌

自成都進藏

完

雪至昂地有人戶柴草有烟瘴 九十里過山至王

卡兒有人戶柴草 五十里至巴貢有人戶柴草 一百

里過二至奔地有草無柴少 八十里過山 五十

至蒙布塘有人戶柴草 五十里過山至昌都有人戶柴

草大寺院院官兵糧台又名康名乃川滇藏交界處

又通玉樹納克書等處山高陡峻有烟瘴自巴塘至

此一帶番性狼狽好盜又有桑昂那官角上 五十

下廳對等族夾填出沒其間搶劫行路人物 五十

里至惡洛藏有人戶柴 五十里至過脚塘有人戶柴草

六十里過脚脚至拉貢有人戶柴草 六十里

大雪山高積雪烟瘴

至思達

有人戶柴草路險窄

一百四十里

過九合大山

至九合塘

有人戶

柴草此山相連者四

四十里過山

至麻里

有人戶

四十里過山

至三巴橋

又名假夷橋有人戶柴草山雖陡不

險

八十里過地

貢大山

至路隆宗

有人戶柴草寺院並正副營官山高陡路

險

六十里

過漫大山

至紫安

有人戶柴草大寺路平有烟瘴

五十里

至設板多

有人戶柴草並大寺院正副營官此地通青海玉樹等處

六十

里過大

至中譯

有人戶柴草

四十里過山

有人戶柴草

一百二十里過

合山至拉子

有人戶柴草山高陡險積雪有

烟瘴

五十里過山至水填

有人戶柴草正副營官路積崎

六十里

至丹達

有人戶柴草路平而崎嶇

一百一十里過

沙工拉大雪山

至郎

吉宗

有人戶柴草山高陡險積雪烟瘴大

六十里至大窩

有人戶柴草有兩道

由小路六十里路窄險順溝走

四十里至阿蘭多

柴廣草少人戶

八十里至甲頁

柴廣無人戶草少地產醉馬草若驟

少路平窄崎嶇

六十里至多洞

有柴草微無人戶路崎嶇有水

一百里過

魯工拉大雪山至挿竹卡

無人戶柴草山不高而長積雪烟瘴難行

七十里過

小至拉里無柴微草有人戶大寺院防官兵路平大寒不產五穀

五十里

過拉里大雪山

至阿咱

無人戶柴草不產五谷山高陡險積雪有烟瘴

八

十里

沿海子行

至山灣

無人戶柴草天氣寒路崎

五十里

過瓦子山至常

多

無人戶柴多草少山高陡崎嶇積雪有烟瘴又石溜拉山

六十里至寧多

有人

大寺院

七十里至江達

此處乃工布西藏咽喉重地駐劄官兵防守有人戶

柴

五十里至順達

有人戶

八十里至祿馬嶺

有人

草

八十里過

祿馬嶺大雪山至磊達

無人戶柴草山太積雪烟瘴難行又

名

六十里至馬素江

有人戶柴草白此至藏路平坦

四十里

各倉

至臨欽里

有人戶柴草大寺院

六十里至墨竹工卡

有人戶柴草大

寺院路平 六十里至拉末 八十里至德慶 四十里

至砌塘 人名葉里皆有人 三十里 過機 至拉撒召

機楮河即藏江惟此河水向西流渡以皮木船

自成都至打箭爐計八百六十五里由爐至藏計

四千七百八十里共程五千六百四十五里計一

百站

自打箭爐由霍耳迭草草地至察木多路程

打箭爐四十里至折多山棧 四十里 過折 至別始

分路 四十里至瓦七砦 四十里至卽砦堡 四十

里至八桑砦 五十里至上八義 五十里至汎馬

塘 三十里至雀雅 五十里過山至喇池塘 六十

里至孜隆 七十里至甲撒楮卡 五十里至吉如

楮卡 三十里過山至章谷 五十里山下至江濱塘

五十里至竹窩 三十五里過山至萌恭松多 二

十里過普王隆至甘孜 三十里過河至自利 五十里至

隆填標 四十里至阿甲拉洛 六十里至益隆

四十里至迭格界

又名七登

六十里至羅登

六十里

至吉馬塘

五十里至格慈

六十里至楮泥拉泥

五十里至春科西河

四十里

山至班的楮卡

三十里

山下

至巴戎

六十里至甲界

党 六十里至草拉

三十里至草里工

三十里

過山

漫至峽隆塔

五十里至哈甲

三十里至冲撒得

六十里

山

至熱了

四十里

山

至察木多

自打箭爐至察木多計三十九站共程一千七百七十五里路遙平坦草廣柴微此一帶番民多住黑帳房以牧畜爲主微生烟瘴

自察木多由類鳥齊草地進藏路程

自察木多五十里至惡洛藏分路 六十里至杓多
四十里至康平多 五十里至類鳥齊 五十里
至達塘 八十里至加木喇族 一百里至江清松
多 八十里至三岡松多 八十里過山四小至塞耳

松多 六十里至拉咱 五十里至吉樂塘 七十

里至察隆松多 即春奔
色擦 七十里至江党橋 七十

里至拉貢洞 六十里至汪族 八十里至結樹邊

卡 有人戶
大寺院 五十里至 三 徧關 八十里至噶咱塘

七十里至葛現多 七十里至拉里堡 從右手
進山溝

六十里至拉里界 七十里 過 至吉克卡 七十

里至沙加勒 七十里至積華郎 七十里至哈噶

錯乍 六十里至胖樹 六十里至仲納三巴 六

十里至約定同古七十里至墨竹工卡

合進藏路

自察木多至墨竹工卡合大路處計二十九站共

一千九百一十里

自西藏白木魯烏蘇一帶至西寧路程

拉撒四十里至郎拉 三十里至們都 七十里至

甘定羣科爾

六十里至沙拉

有水田產在草子可壓油

四十

五里至達隆

四十里

過鐵索橋

至夾藏堪

六十里至

羊拉 六十里至達木東邊 七十里至克屯西里

克 六十里至什保諾爾 六十里至噶欠 六十

里至哈拉烏蘇西邊 五十里至郭隆 五十至楚

木拉自們都而至楚木拉地方俱有水草無柴燒馬糞烟瘴 七十里至綽諾

果爾西邊 六十里至蒙古西里克 四十里至蒙

咱西里克東邊 四十里至沙克因果爾 六十里

至泡河老 五十里至巴木漢 六十里至索柯東

邊 五十里至依克諾木漢烏巴什 六十里至吉

利布喇克 四十里至因達木 四十里至阿木達

河 四十里哈拉河洛 五十里至布哈賽勒自綽諾果

爾至此俱有水草無柴燒糞有烟瘴 五十里至多羅巴克爾 六十

里至呼浪河 五十里至賽柯蚌 八十里至清河

插漢哈達 四十里至插漢哈達 八十里至插漢

額爾吉以上數處俱有水草無柴燒糞微瘴 五十里至庫庫可達

五十里至柯柯腦爾 四十里至柯柯溝 五十里

至木魯烏素西河 七十里至哈拉河洛 六十里

至巴漢拜彥 三十里至烏河那腦 六十里至烏

河那峽

四十里至巴彥哈拉

以上數處俱有水草
無柴燒馬糞無烟瘴

五十里至喇嘛托爾海川口

八十里至党寨勒

河 六十里至哈拉河

四十里至哈麻爾厄勒泰

四十里至且克腦爾

卽星宿海

九十里至索羅木

河 七十里至黑悅爾打板

七十里至畢留圖河

口 四十里至畢留圖

五十里至埡里布拉克

五十里至得倫腦爾

六十里至哈倫烏素

五十

里至哈倫烏素

五十里至登努爾泰

四十里至

衣麻圖川 三十里至衣麻圖 七十里至沙拉圖

七十里至木呼爾 八十里至哈套口 三十里

至揔漢鄂博圖 七十里至庫庫托洛海 五十里

至堪布灘 五十里至河什漢水 四十里至納拉

撒拉圖 即日 四十里至駱駝額項 即日 四十里至納拉

有水草無柴燒 六十里至東科爾 即日 九十里

董微有烟瘴
西寧城

自藏至西寧一帶俱有番子蒙古住牧其生計種

地牧畜打牲各不等共計六十八站共程三千七百餘里

自藏出防騰格那爾路程塘口

西藏三十里至夾普 四十里至浪子 四十里至

奔里 四十里至德慶 五十里至楊八景 四十

里至卡子 四十里至乾海子 四十里至桑駝各

海 五十里至楮登立馬爾即騰格那爾 四十里至那

根初多每年出防先鋒下營處

自藏至那根初多即騰格那爾口計十站共程四百二十里

自藏出防玉樹卡倫路程

藏之東北

西藏三十里至噶拉琪 三十里至彭多 三十里至墨隆堡 三十里至節仲 三十里至松竹宗

三十里至勒敢多 三十里至朋多 三十里至俊門 七十里至納的 八十里至八不弄 三十里至桑多 八十里至江足卡 九十里至哈拉烏素

三十里至色爾龍 六十里至噶色卡 六十里

至江古郎 四十里至溫江松多 八十里至奪塞

爾 五十里至格瑪爾卡 五十里至湯清 八十

里至江清八納卡 四十里至會項漢 五十里至

納喜塘 九十里至至春科塘 四十里至甲里剛

多 四十里至先布松多 六十里至東布松多

六十里至興東 一百里至必洛腮 六十里至擦

桑納 六十里至曲尺松多 七十里至晒多坡

一百二十里至噶順 五十里至噶璽 八十里
至魁濟 一百里至納馬蠻地 一百一十里至江
溝八納巴 一百里至玉樹

自藏至玉樹計三十八站共程二千二百七十里
分小卡四處

庫二塞 白兔山 齊谷河 瀘右勝此四處逐
日分兵探哨

自藏出防納克產卡崙路程

西藏三十里至夾普 四十里至浪子 六十里至

拉咱爾 五十里至粗布以上人戶 七十里過大

至阿里有柴草 無人戶 八十里至甲仲 七十里至泥木

根舉 六十里至族貢 七十里至八角以上有人戶 柴草微

五十里至大雪山根 九十里至臨卡宗 五十

里至蘭卡以上無人戶 柴草 八十里至熱党有人戶 柴草 六

十里至甲蜡有人戶 柴草微 六十里至整登 四十里至

魚骨栢二處人戶 柴草微 一百二十里至噶拉 五十里

至賀洛 七十里至插蕩粗固 七十里至日鏡

九十里至木慶

八十里至柏木坨

以上八戶柴草水俱無

八十里至按列

五十里至納克

二處人戶有柴草微

自西藏至納克產計二十四站共程一千五百七十里沿途俱有瘴氣又自納克產分小卡四處

特布托洛海離納克產十四日約程五百餘里其地甚冷瘴氣甚

拉克擦離特布托洛海七日約程三百餘里其地

草微無柴有瘴

庫克擦離納克產十三日約程五百餘里有柴草

水俱微有瘴

此三處俱
派兵防哨

扎克欽離庫克擦八日約程四百餘里其地柴草
水俱無每月派兵探查一次

自藏出防奔卡立馬爾路程

西藏三十里至克噶拉俱 五十里至蒙至 四十
里至又立場末 四十里至傑虫 六十里至拉末

八十里至烹多 三十里至熱正 五十里至擦
木桑 四十里至八達 七十里至揆娘庫 三十
里至三垣 七十里至奪洛得巴 七十里至哈拉
烏素 六十里至胖米麻 八十里至阿木多 六
十里至投順納哇 五十里至厦木訥熱麻 五十
里至圖爾君 七十里至熱麻拉撒 八十里至巴
思拉木期 八十里至白果東馬 六十里至布呼
江 七十里至遮隆 八十里至楚隆 六十里至

彭卡 五十里至奔卡立馬爾

自藏至奔卡立馬爾計二十六站共程一千五百一十里自奔卡立馬爾分設小卡五處

噶爾藏骨岔 托克托賴 立拉撒 必隆奔卡
立馬口子

自藏出防生根物角路程

西藏十站共程四百一十里至騰格那爾 七十里

過大山至哈隆 三十里至雀雅 六十里過大山至錯
雪山

隆角 二十里至欺馬多隆

此處供換鳥拉

五十里過山

至大海子 四十里至白納辛

六十里過山至白噶

哈力水 七十里至吉都烈路

六十里至拉卡爾

工多 五十里過山至八拉 四十里過山至查木哈

六十里過山至郎卡 九十里過河大鹽池 三

十里過山至卡兩哈 四十里至西干工布 五十里

過山至哈干布 五十里過山至達干我所 四十里

至恩達哈 六十里過山至星子哈岡 八十里過山

至色爾松多 五十里過山至生根物角

自藏至生根物角計三十一站共程一千五百
十里沿途處處有烟瘴無柴燒糞水草俱微

自藏由楊八景至噶爾藏骨岔路程

西藏五站共程二百里至楊八景分路 四十里至峽

布 七十里至桑駝洛海 五十里至楮定馬奔

四十里至桑吉馬丁 五十里至喇定初多 五十

里至騰格那爾界大海子邊 五十里至郎錯又名族隆角

六十里過

大山山頂有海

至過中

八十里過山

至章錯

海有

四十五里海子頭

六十里至捉得爾

五十里至

那塘

五十里至巴業了

七十里至凍錯

七十

里至噶爾骨岔

自藏至噶爾藏骨岔計程二十站共程一千三十

五里

自藏由工孜一路至後藏札什隆布路程

西藏七十里至業覺

四十里至降里

五十里至

曲水 五十里至巴子 一百里過山至白地 七

十里至郎噶子 五十里至咱納 六十至勒隆從左

手分路即通 六十里至郭喜 七十里至江孜

布魯克巴 五十里至壯子 五十里至邊郎 六十里至郎地

及布 四十里扎什隆布

自前藏至後藏計十四站共程八百二十里

自扎什隆布由咱党至前藏路程

扎什隆布四十里至落窺 一百里至色木多 一

百二十里至年木胡打 九十里至能木宗 八十里至沙楮卡 七十里至咱党 七十里至白地 一百一十里至巴子 五十里至曲水 四十里至能工巴 四十里至獨隆崗 三十里至拉撒召 自後藏由咱党小路至前藏計十二站共程八百四十里

自藏至布魯克巴路程

西藏七十里至業党 六十里至札什彩 八十里

至巴子

以上三處有人戶
田禾樹柳柴草少

一百里至白地

有人戶
土官有

微草
無柴

七十里至郎噶子

有人戶
土官
無柴有草

一百十里

至勃隆

少人戶
無柴有草

七十里至列隆

有人戶
田
土官
微草
無柴

五十里至殺馬達

有人戶
田
畝有柴草

六十里至噶拉

有人

戶田畝有

五十里至遐拉

有人戶
田
畝柴草

六十里至

怕爾

微有人戶
田畝無柴有草
係布魯克巴噶畢
西藏三處交界
駐大牒巴及管領兵馬代奔

四十里

過至香郎

有人戶
係土墻板棚
房有柴草
水田出稻谷
其天時與中華同自

怕爾過山即
產各種竹木

七十里至仁進步

三十里至東噶

拉二處俱
司香郎

四十里至喇嘛隆

有人寺院餘
俱不及香郎

五十

里至西木多

有人戶柴草大寺院內住大喇嘛
吉賽吉書郎諾彥林親之兄弟

三

十里至札什曲宗

有人戶柴草大寺院
乃諾彥林親避暑處

自藏至札什曲宗計十七站共程一千四十里再

行二日地名坪湯即諾彥林親住處惟西木多札

什曲宗夏日稍涼故至此處避暑其方產稻谷麥

豆黍稷各種瓜菓蔬菜鵝鴨雞猪等類衍于中國

自松潘出黃勝關至藏路程

自藏至布魯克巴

出黃勝閣關

六十里至兩河口

分路

八十里至出

皂

七十里至甲望麻望

五十里至殺鹿堂

六

十里至八嗎

六十里至江地克里麻

八十里至

龍溪頭

以上皆有水草無柴

七十里

龍溪頭由揀漢拜勝分路向正南至途神免過

黃河至吾浪莽

八十里至宗卡爾

七十里至揀漢

托灰 七十里至殺那吾舊

六十里至七氣哈賴

七十里

過大山雪

至安定達琪

七十里至途龍免老

五十里至塔奔托洛海

六十里至丹仲營 六

十里至牒倫頓 八十里至中牒倫頓 八十里

過大

雪山至上牒倫頓 七十里至吾浪牒倫 二百四十

里自吾浪牒倫分作四站每站六十里 至古爾分索羅木

合西寧進藏之大路

自黃勝關至合西寧進藏之庫庫賽計二十四站

共程一千五百九十里

自兩河口分路至西寧營 青海路程

洮河洲

兩河口七十里至雜牛洞 八十里

過狼架嶺雪山

至栢香

林 五十里至大草場 四十里至答建寺 五十

里至下包坐

六十里至潘州

以上水草
燒柴俱有

八十里

至龍溪頭

六十里至獨磊庫

以上二處有
水草無柴

六

十里向北至熱党

六十里至獨倫

八十里過小

二至丹倫

八十里至納布鍋

以上有
水草柴

八十里至

攬隋

有水無
柴草

八十里至舊洮州

自兩河口至舊洮州計十四站共程九百三十里

兩河口四百九十里

分作
八站

至獨磊出庫

六十里至

物藏

四十里至瑣胡盧

分
路

七十里過黃至插溪

拜勝 六十里至布勒哈數 六十里至屢納圖

六十里至巴溪海流圖 四十里至安這谷圖 六

十里至吾浪 六十里至納木漢 七十里至巴納

布哈 八十里過山至莽鴉 七十里過山至郎岸以上

俱有水 八十里至歸德 六十里過山黃河進溝至郭密

草無柴 八十里過山大至康城溝 五十里進閻門至申

六十里至西寧府城

自兩河口至西寧計二十五站共程一千五百五

十里

兩河口五百五十里

分作九站

至熱党

六十里至江托

六十里至洮河腦

八十里至多提

五十里至

黑銜

八十里至舍納

八十里至殺馬關

七十

里至河州

自兩河口至河州計十六站共程一千三十里

兩河口八百四十里

分作十四站

至巴漢海流圖

六十

里至吾浪勒革

七十里至巴漢土爾根

六十里

至依克生爾根界 六十里至依克生爾根 七十
里至插漢諾木漢 六十里過黃河至插漢托洛海
一百三十里至青海

自兩河口至青海托二十二站共程一千三百五
十里

藏程紀畧

夫藏何自昉乎。古稱西方有聖人。謂佛生其地。世居於此。是耶否耶。然則何爲以藏名。藏之爲言。藏也。無盡藏之謂也。意者以梵書三藏。有經藏。律藏。輪藏之說。若是之無盡藏耶。其土著番人。又稱之曰招。此不知何解。大要土語蠻音。有聲無字。其無所取義無疑。獨是上古之時。不聞有佛也。漢唐間始重虛無寂滅之教。數遣使西域求佛經。迎佛骨。而佛教之興流傳。

中國迄今千百祀不改雕形塑像崇建禪林釋子尼
僧皈依法戒世俗庸衆從而敬信之持齋素樂佈施
動曰廣積功因愿登西方極樂世界雖捨身破家勿
惜有心世道者亦徃徃置而弗論要不過存此法門
以警衆覺愚醒迷啟悟使之念佛從善不大失其本
心而止固未嘗身履藏地亦未知有所謂活佛也余
宰涇之四年西塞賊匪跳梁侵擾哈密

天子簡將征討乙未夏余捧檄從軍轉運糧儲歷有四載

嗣因逆賊勢窮潛行狡計掠及藏地

天子怒其猖獗特命大將軍王親統六師殄茲小醜

因逆達賴喇嘛進藏是卽活佛余偕同事諸公奉調

押運庚子四月由西寧出關走日月山哈什哈水柴
鷄口工噶腦兒以及奪洛達巴等處赤日之下雪雹
時加伏暑之中嚴霜夜襲天時地氣之不同蓋與中
原迥絕越六旬而抵索力莽過黃河經星宿海水面
平濶無際波瀾不驚上下天光一碧萬頃海中石山

一座相傳山底有七孔水從孔中迸出生平讀山海經覽輿圖記謂河源經出于此竊疑爲誕今果信其不誣也自是而往亞喇塔夷之地藥草傷生拜顏哈拉之區瘴癘彌毒人畜中之不一二日輒死屍填道路莫可計勝余至此隨行僕從十日內死者八人此時此際行者寒心見者慘目生死存亡惟付之天命無可如何耳初秋念有一日始至木魯烏素番語水名烏素名通天河迺金沙江之源也時則王師屯駐河東

平逆將軍延 率各都統提鎮蒙古諸部落舉兵

進藏余復奉 王諭押送牛羊隨大兵後以濟軍糈

於八月十一日起程十七日渡七岔河其處乃微行
小徑無人跡往來無番夷住址深山窮谷因識道途
惟相其形勢審其方向指西南以行雖早夜奔馳而
心中茫然不卜所之何地也既而得歸大路會官兵
安塘其地憂方稍解計木魯烏素至此僅六七日之
程而失路遷延已半月餘矣正欲倍道兼馳奮力前

往不期舊站改移中途多阻時將軍延因前軍
戰捷慮賊截後糧路令撤舊塘改于山南由是覓嚮
導達新台八無人之境艱辛苦況較日前倍甚塔子
頭上帳冷毡寒水草灘中人顛馬仆入深谷則亂石
參差爪牙爭錯也越打班則層巒峭壁手足伏行也
又况番夷狡悍剽掠成風百十爲群潛匿幽僻晝則
奪物夜則劫營余甫過哈喇烏素而騾馬搶去已盡
卽我同事諸公亦鮮有不受其累者如此兇頑是又

不待教而誅者也。仲冬朔日，方抵西藏。至則我師告捷，逆賊敗走，而達賴喇嘛已入座矣。非

聖天子文德武功丕著無外，烏能如是耶？迨觀藏內形勝，山水環秀，土田沃衍，樹木濃蔭，民居稠密，且風和日暖，嚴冬之際，冰雪不凝，洵塞域之別有天地也。平川中擁一石山，較諸峯獨小，上建寺院，爲活佛所居，層樓翠閣，幾數百重，金光絢麗，美不勝述。問所由來，僉云活佛之生代有其人，本係原身轉世脫胎，無過番

民之家，但不一其地。始生時，卽能言前世事。衣鉢所傳，一一不迷人。驗其真，爭相頂禮，迎入前藏，升座。徒衆千萬，番民日朝如市，非特近地爲然。遠及西海、青海，各國、蒙古諸王部落，皆以時來見，所貢皮幣、犬馬、珠玉、奇產異物，不一而足。嗟夫！世之膺大位、享大名、身都富貴者，福澤非不厚也。然而名利場中，事物經心，攘攘勞勞，迄無寧息。茲觀達賴喇嘛，居然赤子，無知本來面目，一塵不染。其宮室居處，如是。服食器用，

如是人心悅服無不如是雖富貴之極無所用之然則所謂活佛者蓋現在受福之人也佛云乎哉余寓藏八日公事甫竣方得登堂一見見畢卽行未獲從容遊覽娛暢心目殊爲恨事值大兵凱旋隨之東歸是時裘敝金盡騾馬不能置惟購牛數頭僅載帳房衣被輕騎以從他物悉屏棄僕從步隨踰墨竹以長征向江答而就道穿林入澤履險蹈危或步石級或緣木棧閱二十餘日望喇里之山高聳挿天自山下

起行盡日乃及山肩。天晚不能過其地，皆亂石險窄，平不滿丈，且烟瘴甚大，無片柴寸草，雖勺水難覓。乃坐臥一夕，人馬俱凍餒。次日陟其巔，則堅冰滑雪，萬仞崇崗，如銀光一片，俯首下視，神昏心悸，毛骨悚然。令人欲死不得已，乃鋪毡坐雪上，腰繫以繩，僕從前拖後曳，盤旋而下行。行李什物，憑空而擲，牛馬則縛足下墜，傷斃者大半。是誠有生來未歷之境，未嘗之苦也。夫何行動正艱，口糧告絕，且番地又不產米，惟日

食青糲以充飢腹如此者半月當除夕佳辰元旦令
節求粒米沾口不可得困頓至此其何以堪厥後行
至察木多 川督年 念進藏官兵勞苦已甚恐流
離異域特委永寧道遲 屯糧接濟因得日支米二
升麵二升并借庫銀二百兩以資盤費涸轍之困藉
以復甦茲豈非天幸耶爰是更覓番騾稍載行囊整
轡以往歷工多阿朗麻之地芻草空虛過湯噶丹達
木之村人民殷富坡高而險紫霧陰霾查喇松多可

畏也雪連四崗寒風徹骨宗洛三巴其最焉邊把俗
尙寬柔阿則人心狡詐碩板多之山崇嶺峻行來扶
杖牽衣洛龍宗之怪石巉岩到處左盤右折昌都多
勝概形連二水環龍占兌有奇觀勢若干軍駐馬曰
阿布喇曰黎樹村村盜藪曰夾霸曰江噶處處賊窩
凡屬行役征夫罔不驚心喪胆至如漢人寺房舍無
殊內地核桃園風景頗似中華時方二月之初日正
上旬之內紅杏發而芬芳綠柳垂而青翠田園禾黍

郁郁青青鳥語花香風薰日暖爲憶出口以來殊方
絕域馳驅萬里舉目淒涼幾一年矣今見及此能不
令人心目俱爽耶繼此則古都龍卽金沙江過渡處
有大船四隻千餘人馬片時卽渡塞地河道頗多或
係木橋或用皮筏舟楫往來此其僅見者其兩岸桃
李爭妍村落依山如画土產葡萄最廣蠻人以此造
酒飲之亦能醉人再行七十里至巴塘氣候溫暖地
闊人稠花木繁茂可觀且集市之所內地漢人亦寓

此貿易。余至此人困馬乏歇息三日。然後起行。本又木山高百里。越二日而始登大所塘。路通一線。值三春。其未暖。諸物競售。冷水灣附近。波黎四面皆川。乾海子潛藏寇盜。惟茲數日之內。無非雪路。行程策驚。前征裡塘。告屆其寺院之華麗。喇嘛之衆多。諸貨之集聚。較巴塘稍勝。所不及者。地道寒冷。無嘉田花木之美耳。次日宿河下。及嘔麻喇。東行臥洛波雪地。六十里深三餘尺。至剪子灣而下。及麻蓋中。漸下抵鴨

緣江蓋約百餘里云江水碧清而溜兩岸巖石甚險
難以舟渡有大船數隻橫其中掩大板作浮橋車馬
往來殆若坦途過此則江以東由八角樓臥龍石以
至那凹者多雖屬番民逼近內地知畏王法爲化林
營所轄商民經過者卽一二人可行可止永無夾填
之患矣三月初四日進打箭爐爲蜀西極邊皆番地
乃藏路咽喉土官明鎮司統屬其先叛服不常康熙
三十八年調兵勦平之宜以恩威彰以信義莫不頌

心向化今設兵戍守其地番漢咸集交相貿易稱鬧市焉余於此馬疲力倦乃覓夫乘小竹輿自頭道水越冷竹關抵瀘定橋橋高十餘丈長數百步兩岸建亭閣用大鐵繩九條綿亘飛渡其上覆以木板若天塹然人馬須少行徐徐而過多卽搖動若遇風則斷不可行矣繼此則化林坪飛越嶺再進而牛市坡羊圈門山勢陡惡石路艱難莫可殫述過黎雅之墟歷印竿之境俗稱武侯擒獲文君當墟其舊地也念一

日八成都省會之區沃野千里人民輻湊景物豐美
文采風流埒於中州獨是錦江雖麗完箋無存楊雄
相如之故宅僅載誌乘西望漢陵昭烈帝之遺徽有
不禁慨然嘆息者又如新都之龍門漢州之房湖高
人逸士所觴咏皆足動人感懷由德陽至落鳳坡龐
士元之墓祠宛在經綿州及梓潼縣文昌君之廟貌
巍然劍關石壁峭聳棧道木架凌空閣曰馬鳴見于
昭化驛名等筆者于廣元千佛岩與飛霞洞同山朝

天關並神仙驛接壤行是路者南棧固艱而北棧尤
險寧差過金牛之峽嘆五丁開道恃勇而愚褻汚踰
鷄頭之關羨子房學仙養真自適陳倉古渡碣存於
留壩靈鳳飛來窠見于南星黃牛山勢龍從寶雞川
原平衍岐山爲周室發祥之舊扶風乃漢朝京輔之
遺自是而達醴泉適涇干可旦夕至也計余自丙申
二月從軍至辛丑五月回署六載于外雖王事靡
盬勞瘁弗辭而以衰弱微軀頻年奔走旦夕無休宿

露披霜含飢忍凍崎嶇歷盡皮骨僅存所幸以生還
無恙者皆上蒼默佑所致也嗚呼余年五十有七
矣毛髮蒼蒼精神多憊回憶少時居處家庭愧未能
窮山極水以窺天下名勝繼而上公車登仕籍游覽
荆襄韓魏間以及燕趙秦晉諸大境于水見江淮河
漢非不大且深也于山見終南恒華非不高且遠也
然猶是中國以內名山勝蹟游人之所寓即仙客之
所景從不惜身至其地親見其實乃若遐荒絕塞舟

車不至誰探星宿之源封禪無聞孰陟崑崙之頂如
所謂藏如所謂佛則亦虛誕險遠之說固不必其至
之不必其見之也不必至而竟至之不必見而竟見
之可不謂僅事歟因不揣固陋於回藏之暇援筆以
紀其略匪敢矜功市異亦以誌此番閱歷此番辛苦
出之生平意外者觸目警心以示安不忘危逸不忘
勞之意云爾

肯

康熙辛丑仲夏中浣之吉知涇陽縣事焦應旂識